



Prozesciun de Jenn 7, 8 y 9 de jügn 2018

Eniann ne sarál nia ma signor **Klaus Sottsas** co acompagnará la ploania d'La Pli ia n Jênn desco i ultimi iadi, mo ince le **vesco Ivo Muser**, co jará con la prozesciun belo d'La Pli demez (ma ia per). A ei i dijunse en bel gran iolan y che Dio ti al páii.

Al ven recordé desche les zeches se met sö por la prozesciun:

cina sön Antermeia: Curt - Pliscia - La Pli.

da Antermeia demez: La Pli - Pliscia – Curt,

da gní a ciasa vegnel endô baraté da Antermeia demez.

→ **Düc chi co tól pert ala prozesciun é bel enviés da se lí jö le regolamont de signor degan, da ciagé sön plates a pert** (te scafa dla plata dla ploania).



Vita de ploania y de paisc



“I te cherdí con to ennom” dij le Signur.

Con le Sacramont dal Bato ven tut sö tla comunité dla Dlijia **Leon Ellecosta** de Daniel y Ingrid (Colac). La ploania i fej les miús aodanzas ai geniturs: che Leon pói cresce tla fede, vire tla speranza y sperimenté l'amur de Chelbeldio y dla jont.

○ **Joneza:** la Joneza d'La Pli envieia der bel da jí en la Festa dal Cör de Gejú deboriada a fá le fű sön Prades tal pre de Brach.



enformaziuns y termins

Ocio: l'apoteca d'Al Plan romagnará slüta dai 11 ai 21 de jügn.

Curs: l'Uniun dles Ęres da San Martin organiseia ai 12 y ai 14 de jügn (dales 18:00 ales 19:30) n curs de döes seres “Lauré l'urt y arjigné ca produc te na manira sana” con Martin Pramstaller. Al pó tó pert cina 10 partezipanc. Enformaziuns y prenotaziuns pa Margareth, ☎ 339 3115679.

| Döt le bun a: | | |
|--|--|--------------|
| Pepi Erardi | | * 03.06.1931 |
| Angela Frena ved. Rovara | | * 05.06.1932 |
| Emma Paur ved. Rigo | | * 06.06.1943 |
| Marta Maria Teresa Rubatscher ved. Erlacher, Al Plan* | | 09.06.1932 |
| Angela Maria Erlacher, Uttenheim | | * 09.06.1937 |
| y a düc chi co á santennom y complesc i agn cöst'edema | | |

Impressum: Ploania d'La Pli; redaziun Franz Rigo y Edith Willeit
Comunicaziuns cina le **dedemesaledema** sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org




Plata dla Ploania La Pli de Mareo Santa Maria dal Bun Consei

Ploan: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann B

03.06.2018 - GRAN FESTA D'LES ANTLÈS

n. 27

Iu sun le pan vi co é gnü dal ci. Chi co mangia cösc pan viará eternamonter.

📖 Es 24, 3–8 | Ebr 9, 11–15 | Mc 14, 12–16.22–26

Dal Vangelo do San Merch:


¹²Le pröm dé dla festa dai Pans Ensuc, te chel ch'an tolea ia l'agnel da Pasca, á dit i discepui a Gejú: Olá desson pa t'arjigné ca le past da Pasca? ¹³Danló ál orcé dui discepui danfora y ti á dit: Jide tla ciüté, danló ves gnarál adancuntra n el co porta n boché d'ega. Jidi do ¹⁴cina ch'al va te na ciasa; spo dijedi al patrun de ciasa: Le maester te damana: Olá é pa le salamont olach'i pó mangé con mi discepui l'agnel da Pasca? ¹⁵Y le patrun ves mostrará n gran salamont söalt tapezé fora con plomac, co é belo arjigné ca por le past da festa. Danló arjignede ca por nos! ¹⁶I discepui s'á motü sön tru y é roés tla ciüté. Ai á ciagé döt desch'al ti á dit y á arjigné ca le past da Pasca. ²²Dertan past ál tut le pan y á dit iolan, l'á rot jö, ti al á sport y á dit: Toledé, cösc é mio corp. ²³Spo ál tut le caesc, á dit iolan, ti al á sport y düc á boiü d'enfora. ²⁴Y al ti á dit: Cösc é mio sanch, le sanch dal'alianza, co ven spanü por trec. ²⁵Amen, i ves diji: I ne boará nia plü dal früt dla vigna cina en chel de, ch'i nen boará danö tal regn de Dio. ²⁶Do la ciancia de lalt éesai jüs fora sön la Munt dal Orí.

Oraziun dal de

*Periun! Signur Gejú Crist, te cösc sacramont prezios dal alté nes aste lascé endô le recort de tōa pasciun y ressozeziun: dassé la grazia de veneré i misters de to corp y de to sanch aladô ch'i podunse tó pert ai früc dla redenziun.
Tö che t'es Dio y vires y regneies con Dio Pere, tl'unité dal Spirit Sant, por düc i secui dai secui. – Amen.*

(Lezionar B)

📖 *Letöres dla gran festa dal Cör de Gejú:*
Os 11, 1.3–4.8a.c–9 | Ef 3, 8–12.14–19 | Jan 19, 31–37



Edema liturgica dai 03.06. ai 10.06.2018

| | | |
|--------------------------|---|--------------------------------------|
| DOM 03. | GRAN FESTA D'LES ANTLÈS CORPUS DOMINI | <i>Karl Lwanga y compagns, Oliva</i> |
| 08:30 | gran messa ciantada solena de ringraziamont por l'Eucaristia ♫ <i>Michael Haydn, Missa brevis a tre voci</i> prozesciun eucaristica con 2 vangeli fora Brach | |
| 11:00 | funziun dal Bato de Leon Ellecosta | |
| → 14:30 | espi da festa y benedisciun eucaristica | |
| Lön 04. 07:30 | <i>Clothilde, Crista, Quirin, Werner</i> s.m. a Al Plan | |
| Ded 05. 07:30 | <i>Bonifaz, Igor, Ferdinand</i> s.m. por † Massimo Topran Cuntin, La Pli s.m. en onú de Sant'Antone, Sant'Opej laorante y Sant'Ojöp da Oies | |
| Dem 06. 18:00 | <i>Norbert da Xanten, Kevin, Bertrand</i> s.m. a Al Plan | |
| Jöb 07. → 6:45 | <i>Robert, Amadio</i> s.m. con nosc vesco Ivo do intenziun y en onú dal Cör de Gesù, de Santa Maria y de San Iaco s.m. d'aniversar por † Tone Ellecosta, La Costa s.m. en onú de Santa Maria por les families Ritsch, Tomele/Rara | |
| → 7:30 | peia ia la prozesciun de Jenn | |
| Ven 08. 07:10 | <i>Sacher Cör de Gejú Medard, Helga, Engelbert</i> s.m. a Al Plan | |
| Sab 09. 07:30 | <i>memoria dal Cör zonza macia de Maria Efrem, Vinzenz, Colomba</i> s.m. por † Angelica Ellecosta Declara y fam. Jep y Clara Ellecosta s.m. por † Maria Kehrer ved. Vollmann, Slugher | |
| 18:00 | s.m. <i>prefestia a Al Plan</i> | |
| DOM 10. | GRAN FESTA DAL CÖR DE GEJÚ | <i>beat Heinrich da Balsan</i> |
| 08:30 | gran messa ciantada por döta la ploania <i>oferta por i debojügns dla ploania</i> | |
| → | ores d'adoraziun: do messa cina les 10:30 Curt, 10:30 - 11:30 La Pli, 13:00 - 14:00 Pliscia | |
| 14:00 | espi da festa y prozesciun eucaristica con 2 vangeli fora Brach | |
| <i>ampola:</i> | do intenziun de na familia | |
| <i>ministronc:</i> | ▶ da doman y domegna: Armin Frontull y Manuel Pedevilla ▶ da sera y domegna: Paul Comploi y David Willeit | |
| <i>i recordun:</i> | Sr. Magna, Stefania Willeit, <i>Girlan</i> + 03.06.2008 Tone Ellecosta + 07.06.2008 | |



(Mc 14, 12–16.22–26)

I ponsi do

Chel de Gejú é n at familiar, co é gnü tasformé te öna dles plü gran scincundes por l'aumanité: söa presenza, reala y viva, tal pan y tal vin consagrés. Vigne iade ch'i zelebrun l'Eucaristia, tolunse pert a cösta scincunda y ara se trasformaia ince nos. Desco Gejú, dunse ca la vita por amur ai fredesc.

I preii ensciö

I tigni ia la man, Signur, y i ciafi to Corp. I sa che sc'i mangi de cösc pan este tö te me desco n amich fedel, fontana de ligreza y de pesc por mia vita. Ince sce cösc segn che te mo das é picio y dla meseria, tan plü grana y rica é la scindunda che te mo das. Al t'á costé trep, Gejú! En chel de aste mangé, tal cenacolo, l'ultima cena con tü amisc. Nia porciodi che te t'an foss jü en vcanza o te n ater post plü dalunc. Tose dedö messaste morí söla crusc, tradí y arbandoné da düc. I san che t'es rosserí che te l'as endô en iade tö davagnada. Eco, tl'Eucaristia ciafunse döt cösc: "I encündun töa mort, Signur, i protlamun töa ressureziun, cina che te vegnes tla gloria."

Ples prozesciuns d'Les Antlès y dal Sacher Cör de Gejú desmostra i cristiagn ci che ai é: Corp de Crist tres l'Amur de Dio co á dé ca so Fi por nos. Na desmostraziun dal Amur de Dio.



Stories de Adam y Eva cuntades ai mituns (12)



La tera é (n'é nia) en urt "demorveia"? (1)

Les porsones – l'el y la era – n'olga nia a Chelbeldio. Ai ne confida nia ch'al ti dá ci ch'ai adora y ci co é bun por ei. Ai n'ö se lascé dí nia. Gnanca da Chelbeldio. Porchel ne pói nia resté tal urt "demorveia".

Chelbeldio, le Singur, dij: Ciara, la persona é gnüda desco Dio. Ara reconesc le bun y le mal. Al fala ma plü ch'ara arlungi la man, cheii y mangi i früc dal len dla vita – y ái vita eterna!

Chelbeldio para Adam y Eva fora dal urt "demorveia" por ch'ai laori la tera, da chera ch'al i á formé. Al met sö angeli potenc con spades de fú por ch'ai ciari sora le len dla vita.

Adam y Eva s'anadá tosc che söa patria nea n'é nia plü en urt "demorveia". Tai ciamp crescel zizania: ficiuns y spinac sofia la somonza. I tiers ne vir nia adöm en pesc: i gragn mangia i pici y düc se tem la persona.

Y gnanca les porsones ne vir adöm desco compagns: i stersc ten jö i debli, i ric desprij i püri, i potenc mena veres danter ei y düc se tem la mort.

Les porsones n'é nia bones da se desmoncé l'urt "demorveia". Ai dij: nüsc peri á fat de mal – ciodi ne desson pa nos nia fá de bun? Forsc ven la tera che nos laorun na reproduziun dal urt "demorveia".